



6. juli 2006

Inatsisartut suleriaasissaanni § 36, imm. 1 naapertorlugu Naalakkersuisunut imaattunik apeqquteqaateqarusuppunga:

Kalaallit Nunaanni peqqinnissamut tamarmut tunngatillugu Ileqqusat pillugit Eqqarsaqatigiit pilersinneqaqqammersut pillugit Naalakkersuisunut apeqqut.

(Inatsisartunut ilaasorta Jens B. Frederiksen, Demokraatit)

Kalaallit Nunaanni peqqinnissamut tamarmut tunngatillugu Ileqqusat pillugit Eqqarsaqatigiit pilersinneqaqqammersut Demokraatiniit ilassilluarneqarput. Suliniutilli periarfissaqalersippaatigut apeqquteqarnissatsinnut Naalakkersuisunit akeqquneqartunit:

Eqqarsaqatigiinnut ilaasortanngorlaat taakku 13-iusut suna tunngavigalugu aalajangiunneqarsimappat? Ilaasortanngortitat ilaasortanngortitaanerannut immikkut tamarmik Naalakkersuisunit tunngavilersorneqaqquneqarput.

Eqqarsaqatigiinnut ilaasortanngorsinnaasimasut katillugit qassiusimappat? Suna peqqutaava ilaasa ilaasortanngortitaanngitsoonerannut?

Eqqarsaqatigiit iluanni kigutigerisuninngaaneersoqannginnera, Demokraatiniit erniinnaq malugineqarpoq. Naalakkersuisut suna peqqutigaa taakuninnga ilaasortaataqartitsinnginnermut?

Eqqarsaqatigiit atuunnerata ingerlannera qanoq naleqarpa?

Eqqarsaqatigiinni inuit 13-iusut issianertik akissarsiaqaatigissavaat? Angertoqassappat; qanoq akissarsiaqartinneqassappat?

Apeqqutigisat erniinnaq, kingusinnerpaamillu ulloq 24. juli 2006 Naalakkersuisuniit akeqquneqarput.